

馆藏精品

永乐大典

主编 郑福田

远方出版社

永乐大典

主编 郑福田

第八卷

远方出版社

新
知
書
庫
PDC

图书在版编目 (CIP) 数据

永乐大典/郑福田主编 - 呼和浩特: 远方出版社. 2005. 11

ISBN 7 - 80723 - 108 - 4

I. 永… II. 郑… III. 百科全书 - 中国 - 明代 - 缩写本
IV. Z224

中国版本图书馆 CIP 数据核字 (2005) 第 138929 号

永乐大典

主 编: 郑福田

出版发行: 远方出版社

社 址: 呼和浩特市乌兰察布东路 666 号

邮 编: 010010

经 销: 新华书店

印 刷: 北京一鑫印务有限责任公司

开 本: 850 × 1168 1/32

字 数: 490 千字

印 张: 275

版 次: 2006 年 1 月第 1 版

印 次: 2006 年 1 月第 1 次印刷

印 数: 2000 套

标准书号: ISBN 7 - 80723 - 108 - 4/K · 1

定 价: 960. 00 元 (全 48 册)



目 录

永
乐
大
典

永乐大典卷之二千四百一 六模 (1)

〔原藏台湾历史语言研究所〕

永乐大典卷之二千四百七 六模 (26)

〔1954年6月苏联送还〕

永乐大典卷之二千五百三十五 七皆 (41)

〔原藏上海东方图书馆〕

永乐大典卷之二千五百三十七 七皆 (70)

〔1954年6月苏联送还〕

永乐大典卷之二千五百三十八 七皆 (86)

〔1954年6月苏联送还〕

永乐大典卷之二千六百八 七皆 (107)

〔原藏日本武田长兵卫〕

新
华
书
局
PDG

永乐大典卷之二千四百一

六模

原藏台湾历史研究所

苏

苏 迈

【姓氏遥华】：苏轼三子。迈，雄州推官，知瀛州河间县，迈子符。绍兴年，礼部尚书。

苏 过

【嵩阳晁说之撰】：墓志铭。过，宋通直郎，字叔党，东坡先生之季子也。母同安郡君王氏。元佑五年，先生知杭州，叔党年十有九岁。以诗赋解两浙路，礼部试下。七年，先生为兵部尚书，任右承务郎。明年先生出师定武，即谪知英州，继贬惠州安置。三年，迁儋耳安置。既四年渐徙廉州、永州居住。邈乎万死不测之险也，独叔党侍先生以往来。其初为岭外之役时，叔党方居母丧，有以动涂人涕泣者。或曰：先生南居而乐焉？非也。先生忧国爱君之心，日

永
乐
大
典

加循省而郁结，则何敢乐？惟是叔党于先生饮食服用，凡生理书夜寒暑之所须者，一身百为而不知其难。翁板，则儿筑之；翁樵，则儿薪之。翁赋诗著书则儿更端起拜之。为能须臾乐乎？先生者也，其初至海上也，为文一篇。曰《志隐》。致于先生前，先生揽之曰：吾可以安于岛夷矣。先生因欲自为广志隐，以极穷通得丧之理焉，尝命叔党作孔子弟子别传，则固有以处其子矣。当是时，叔党之风，使蛮夷獠，若可以语礼义，而中疴噬毒莫为之疾病。虽有欲杀吾亲者，亦无以措其斧斤。其传而北也。霈然起天下父子之性，则叔党之自处者如何哉？先生不至永州，稍还仕板，居阳羨，不幸疾不起。叔党兄弟得吉地于汝州郟城县之小峨眉山，以襄事，遂家于颖昌。叔党偶从湖阴营水竹可赏者数亩，则名之曰小斜川。自号曰斜川居士，以示终焉之志。曰：吾未即从先大夫于地下，则生也何事为泯泯浮沉里巷。或时一至京师，自得醉醒，而徜徉一世之外。所遇者与谈，靡不倾尽。造次大啸谑浪间，节概存焉。惟有知之者知之也。且若世未尝有小人也，孰非士君子也哉？使叔党以其屋岫嵒，桴溟渤之纯孝，而一旦忠荃于九德俊乂之朝，则先生之立言者，叔党之功业也。惜乎不及使人有见于此，而暴疾以卒于镇阳行道中。年五十有二，时宣和五年，十二月乙未。悲夫！诸葛孔明初不得申所志，而躬耕南阳，卒亦崎岖躬耕巴蜀也。幸而有子曰瞻，可以肆所志，而无邦家以容，瞻则赴魏军而死耳。嵇叔夜之志气尤异，而鲁不得一席以全其躯，而子绍身血亦何益于邦家。古之父子，有如此忠孝两全而可恨者，天

胡不寿吾叔党于盛世，一振发之邪？叔父栾城公，每称其孝以训宗族。且言吾兄远居海上无他，成就此儿能文也。有《斜川集》二十卷，其《思子台赋》、《飓风赋》，则早行于世。而书画之胜，亦克肖似先人。人称之为小坡。仕宦之日少，于闲居时且多艰。初监太原府税，次知颖昌府鄢城县，皆以法令罢免。晚权通判中山府，无几何，以事如镇阳焉娶范氏。蜀忠文公之孙，承事郎百嘉之女。男七人：籥、籍、节、笈、簟、簞、笙。女四人：长适将仕郎常任佚。孙男二人：峤、岷。其葬以七年四月辛酉，墓在先生兆之东南。籥等以说之有奕世之好，辱在先生荐贤中，求铭不敢辞。铭曰：文安先生之知人，难乎其为子也。东坡先生之事君，其为之子者，又亦不易也。孔子弟子传之不成，尚何怙也？先生称吾此儿若不娶必得道。呜呼！有贵乎得道者，得以道兹世也。后之人观苏氏世世不失令名，粲然文墨之外也。

【挥尘录】：宣和中，叔党游京师，寓居景德寺僧房。忽见快行家者同一小轿至，传旨宣召，亟令登车。叔党不知所以然不敢拒。才入，则以物障其前，惟不设顶上，以小凉伞蔽之。二人肩之，其疾如飞。约行十馀里，抵一修廊。内侍一人，自上而下引之升一小殿中。上已先坐披黄背子，顶青玉冠，宫女环侍，莫知其数。弗敢仰窥，始知为崇高莫大之居。时当六月，积水如山，喷香若烟雾，寒不可忍。俯仰之间，不可名状。起居毕，上喻云：闻卿是苏轼之子，善画窠石。适有素壁，欲烦一扫，非有他也。叔党再拜承命。然后落笔，须臾而成。上起身纵观，赏叹再三。命宫人捧赐醪酒

一钟，锡查极渥。拜谢而下。复循廊间登小舆而出，亦不知经从所历何地。但归来如梦，复如痴也。胡元功云

【王明清挥尘后录】：苏过，东坡先生之季子也。翰墨文章，能世其家。士大夫以小坡目之。靖康中，得倅真定，赴官次河北，道遇绿林胁使相从。叔党曰：若曹知世有苏内翰乎？吾即其子。肯随尔辈求活草间邪？通夕痛饮。翌日，视之卒矣。惜乎！世不知其此节也。赵表之云

【老学庵续笔记】：叔党，宣和辛丑岁，得隙地于许昌之西湖，葺为园亭。是年，叔党甫五十，尝曰陶渊明以辛丑岁游斜川而诗云，开岁忽五十，是吾与渊明同甲子也。今吾得园之岁，与渊明游斜川之岁适同，因以小斜川名之。或者谓叔党家本川人。而在元佑邪籍，故自名斜川。恐不然也。

苏 迟

【赤城续志】：迟，眉山人，字伯充，门下侍郎，辙之子。官至户部侍郎。建炎已酉，自婺女避地临海，子简偕来游天柱山寺，有诗见《天台续集》。

【姓氏遥华】：子由因卞氏故居，改卞，其厅事陋甚，有柴氏厅三间，售三百万钱。而力不足。迟曰：因卞氏旧而易其尤，子孙贤，师吾俭，子由赋因旧诗。

苏 符

【绍兴正论】：符，字仲虎，元佑礼部尚书，轼长子迈之

子也。建炎三年，自选人特改右宣教郎，擢国子监丞。绍兴中，为夔路提点刑狱公事。五年，赐同进士出身。除司勋员外郎，改司封郎官，兼资善堂赞读。七年，除秘书少监。八年，迁太常少卿，以建国公读尚书终秩。减磨勘年，符建议将来景灵宫，四孟朝献，请比附国朝谅阴故事。于行在设位，分命大臣行礼。时徽宗及显肃后相继上仙，而景灵神御，寓温州故也。符又言徽宗显肃未闻讳日，乞权以闻哀之日，依祖宗忌辰行香，皆从之。符又言今岁当行祫礼，而在谅闇之内。乞用熙宁故事，移就来年孟冬。从之。除起居郎，有旨免试除中书舍人。升兼翊善，秦桧议以王伦为国信使计议使，而以符副之，符称疾不受。九年二月，迁给事中。符言已分屯吴玠军马，乞免对籩等钱。上曰：四川自后兴以来，横敛既多，民不堪命。可令胡世将张深相度蠲减，以苏民力。充金国贺正旦使，先命官其家一人，寻除礼部侍郎。九月诏汝州郟城县，故资政殿学士苏轼坟寺，以旌贤广惠为名，以符援范镇家赐利例有请故也。符至东京，会莫将继来，与虜议不合囚之。涿州事复变，虜人拒不纳。符乃还。十年，除权礼部尚书，翊善如故。俄兼侍读。先是宋汝为，自北境间行，投岳飞军中。飞遣赴行在，汝为具言虜情，且曰：今和议虽定，计必背盟，不可以遽绝武备。秦桧闻之不乐。符力言于上，遂添差汝为处州通判。仍迁一官。初赵鼎请建资善堂，选朱震范仲为翊善赞读。秦桧言于上曰：鼎欲立皇子，是待陛下终无子也。及普安郡王既正名，下礼院讨论进封典礼，与大臣所议不合。十二年，符与吴表

臣等七人，坐不详具祖宗典故，专任己意，怀奸附丽。罢提举江州太平观起知遂宁府，符有田在苏，因留居之。桧不乐，遣符还蜀。十六年，除敷文阁待制。二十四年，知饶州。二十五年，秦桧欲令符进职。上曰：符，轼之孙。与恩数甚善，因言符初赞和议甚力，后遂变其说，遂除本阁直学士，寻提举崇道观。二十六年，知邛州。

苏 籍

【绍兴正论】：籍，字季文，赠资政殿学士。轼幼子过之子也。绍兴十年九月，以右承事郎为太常寺主簿，填复置阙。初建国公既开资善堂，而崇国公璩寻赴资善听读。已而建国封普安郡王，命有司讨论典礼。十二年二月，有旨吴表以苏符、陈桷、方云翼、丁仲京、王普、苏籍，坐不详具祖宗典故专任己意，怀奸附丽，并罢。二十五年四月，除荆湖南路提点刑狱公事。

苏元老

【宋史】《列传》元老，字在廷，幼孤力学，长于《春秋》，善属文。轼谪居海上，数以书往来。轼喜其为学有功，辙亦爱奖之。黄庭坚见而奇之曰：此苏氏之秀也。举进士，调广都簿，历汉州教授，西京国子博士，通判彭州。政和间，宰相喜开边，西南帅臣多啖诱近界诸族，使纳土公置郡县以为功。致茂州蛮叛，帅司遽下令招降。元老叹曰：威不

足以服，则恩不足以怀。乃移书成都帅周焘曰：比蛮跳梁山谷间，伺间窃发，彼之所长，我之所短。惟施黔两州兵可与为敌。若檄数千人使倍道往赴贤于官军十万也。其次以为夔陕兵大集，先以夔兵诱其前，陕兵从其后，不十日贼必破。彼降而我受焉，则威怀之道得。今不讨贼既招而还，必复叛不免重用兵矣。焘得书即召与计事，元老又策茂有两道，正道自湿山趋长平，绝岭而上，其路险以高；间道自青崖关，趋刀溪循江而行，其路夷以径。当使正兵阵湿山，而阴出奇兵捣刀溪，与石泉并力合攻。贼腹背受敌擒之必矣。焘皆不能用，竟得罪。后师至如元老策，蛮势蹙，乃降。除国子博士，历秘书正字，将作少监，比部考功员外郎，寻除成都路转运副使，为军器监司农卫尉太常少卿。元老外和内劲，不妄与人交。梁师成方用事，自言为轼外子。因缘欲见之，且求其文。拒不答。言者遂论元老苏轼从孙，且为元佑邪说。其学术议论，颇傲轼辙不宜在中朝。罢为提点明道宫，元老叹曰：昔颜子附骥尾而名显，吾今以家世坐累荣矣。未几卒。年四十七。有诗文行于时。

【元一统志】：元老，外和柔，中实劲正。中官梁师成自谓轼遗腹子，欲见之。先使人求其文，元老不与。士君子称之。

【王明清挥尘馀话】：元老，东坡先生之从孙。自幼即卓然，东坡许之。元符末，入大学。东坡已度海，每与其书委曲详尽。宣和中，历馆职郎曹奉常，言者论其宗元佑学术，罢为宫观。而谢表乃云念昔党人，偶同高祖，士大夫颇少

之。张文老云

苏 峴

【宋韩元吉南涧集】：朝散郎秘阁修撰江南西路转运副使苏公墓志铭。

苏文忠公，以文章冠天下。士大夫称曰：东坡先生，而不姓也。中兴渡江始诸孙有显者其二，鲁孙隔在许昌，相继来归，才望表表著见。天子识而用之。一曰峴，字季真，历谏省给事黄扉，待制显谟阁，吹则公也；讳峴，字叔子，兄弟一时驰名。其任海陵县丞日，故参知政事钱端礼以吏部侍郎宣谕淮东。荐之曰：苏轼为宋儒宗，爵不配德。而峴才识操履绰有典刑，愿加甄录，庶可敦风俗，激士气，赐对垂拱殿。言合上意，命之曰：尔四世祖集太常，因革礼者也。其主簿太常寺在职逾年，尝论考课法。乞赴选之官具前任五事，简平允之士以为廷尉。平第知县之阙为数等，以选能者。将迁太理正，以女弟之丧，祈便亲养。朝廷以为太府寺丞，而待其次，既而外舅鲁丞相怀长民部。引嫌易将作监丞。因轮对，则曰：治道贵持久也，常人之情恨不成于顷刻。陛下勿以小利而忽大计，急近效而防远图也。语益切至，人以为难。知邵州数月，丁内艰，掌舶货于闽。赵丞相雄为枢密又荐之。上曰：朕记其面也。召见曰：卿可谓清苦有立矣。除吏部郎卿于太府，由福建转运副使，移江西。上复念之曰：东坡之孙，惟峴有家法在。宜与职名。执政未及

拟，诏充祕阁修撰。然后知公之东于圣衷盖久也。而公旧苦肺疾，以哭兄逾戚，连岁屡作。淳熙之十年也，六十有六矣。病旬馀，却医药不肯视。曰：东坡之年止此。吾何德似之？屏葷茹冠栉而逝，十二月七日也。将葬，诸子以铭为请。予与公既故且亲，同里间共庚甲也。其何可不铭公为人清淡寡欲，气正而言直，在官以廉，居家以俭，接朋友以信义，恬不务进取，故自奉常，辞正而易丞。由寺而移监未尝一以介意，方鲁丞相当国每以正伦助之。人不谓其子婿也，竟以嫌引去。其提举福建市舶，前官有以岁市乳香增数。授贴职者，公之增至三十八万斤，不肯自言。还朝，主吏部右选，武臣类不知书，所理多不得伸。公悉意直之。或俾召保任而行，吏莫敢肆。在太府同详定敕令，遇迁官，取顰蹙不怡累日。曰用既逾分矣。禄不及亲，何益也？盖公祥文忠公季子斜川公讳过之孙，讳籥之子，季真为母兄，其还自北方，而文忠仲嗣无后，以诸父之命后之，从祖侍郎公迟，郊恩任公祖讳迨，朝散郎尚书驾部员外郎。妣安人欧阳氏，考讳簪将仕郎，累赠朝奉大夫。妣太恭人范氏，始文忠爱阳羨山水，买田欲居，仅数百亩，屋数楹也。而家于许昌至离乱，驾部即世，欧阳夫人始居阳羨，大夫早世，妣复守志，公奉二夫人尽礼无违。欧阳夫人既终，公以孙服丧益治其生事。而范夫人一女甚爱，纳婿与公同居三十年。舍以正寝，而已造室于西偏，虽百钱斗粟，非夫人之命，不擅取予也。闺门雍睦，人所叹羨。初为监城县监场，罢旧例之不可仍者，自以家赀买小舟部恽。场吏始知有上下之分，课以充

羨，及丞海陵都督府下淮南，帅司市马檄公定价，公醵为三等，帅谓可损。公曰：马求诸民扰矣，况重损其直乎？公代去县竟监户率钱为赈，公悉拒谢之。特郡方以事阁公俸，闻是愧而还公。舶使之不谨多以私市珍货为利，公则自食物外。一不以市，今丞相梁公里第与司为邻，尝和公诗，戏曰：只恐归无荔子圆。言公虽荔枝，不肯图尽以归也。公学有家法，喜赋诗，自童稚出语已警拔，晚淳淡不事雕饰，有绮语编仅三卷。曰：此吾以适意也。时萝与羽客唱咏，飘然有出尘之想。其论事于朝，则重县令之选，且言人材所以济治功。求之则是，用之或非。与循吏能吏之辨析，蠲两淮旱荒三年之税。又言军将子弟，耻武技而尚文墨，缓急无可适用。乞令统制官于部曲各举所长。上甚嘉纳。曰：文武一道，东坡诗固有云也。请罢州县市令司，遂行于天下。文武提点刑狱不兼置，后亦行之，上尝问邵州濒溪洞，当用武臣与否？公言：文武惟所择，然州县之与溪洞接者，法当禁僧道技术游士往来。食监官亦置场贸易，今稍弛矣，愿严之，其将赴舶司，上询以舶事，则曰：不敢以道路之言欺陛下也。俟至部讲究以闻，议者叹公忠实。既还，始奏二事。以蛮货售于一路，而勿拘于置司之地；舶务官通于四选，而必经任者皆见纳。太府市药材于杂买务得不以时。公曰：药以治病，兹实惠及民者也。请用旧法市于外，戒监司郡官不得以私意易置县令。闽之漕计，以监笑而州县积负。公奏除十馀万缗，江右俗号器讼，公为条目揭道周，有投牒不应法令，皆拒斥之。其语顽而貌狠者，面谕以理往往愧谢而去，

讼亦为省。平居诲诸子，以履践为先，词章次之。尝曰：忠孝本也。不务本而事文，所谓书蠹是已。娶鲁氏，赠恭人先二十年卒。男六人：杲迪功郎严州桐庐县尉；格，以继季真而夭；石，以继族兄奕世迪功郎，监行在省仓下界；极，将仕郎；移，杞皆力进士欲自奋。公有遗泽，相逊而未承也。公之教为可知矣！女一，适施概，孙男五，孙女六。杲等以明年十二月庚申葬公宜兴县芙蓉山南平之原，且以鲁恭人附焉，或附则云鲁恭人，久附于姑兆，不再举也。为之铭曰：呜呼东坡，夷夏知名。况其子孙，且有典刑。典刑伊何，见于三世。季真叔子，实令兄弟。季固显矣，公仅九卿。廉以笃躬，孝以事亲。澹然而和，介然以清。学非嗜书，志在力行。自其少年，亦以诗鸣。阳羨之滨，吾祖有田。进退裕如，若将终焉。其逢儿时，其命则夭。凡今之贤，岂不富贵。公虽未极，视以弗愧。尚其后昆，克绍其门。墓隧有碑，公亡若存。

苏嗣之

【归潜志】：许州有苏嗣之者，去东坡后裔，盖子由久居颖川，有族不南渡者也。其人颇蠢矣，富于财，以货入官，交结权要。短衣，女直中士大夫多以为笑，以其肥硕也，呼为苏胖。余尝与雷希颜谈及之，雷曰：颇闻夜僵水牛之说乎？余对不知也。雷曰：昔东坡生一夕眉山草木尽死，今苏胖生一夕邻村水牛尽死也。此可大笑。

苏 协

【宋江少虞类苑】：协，苏易简父，协蜀中举进士。性滑稽，易简任翰林学士，协为京府掾。时亲王为尹，每朔旦父子冠带晨起，协诣府，易简入禁中。协哭谓人曰：父恭其子，子朝其父，斯事亦倒置矣！初协为汝州司户，易简通判苏州，书与易简曰：吾在汝，汝在吴，吾思汝，汝知之乎？其好谈谐如此。

【成都志】：协为陵州推官子，易简生官舍中，易简父死不能归左绵，侨居于此，受业于贡士费禹珪。嘉熙末，经兵革，以前宅尚存。

【绵州志】：协父寓唐相，频孙至左绵喜其地物爽润，遂迎父丧葬监泉之清溪，因家籍焉。子易简、易直。

苏易简

【宋史】《列传》易简，字太简，梓州铜山人。父协，举蜀进士。归宋累任州县，以易简居翰林。任开封府兵曹参军，俄迁光禄寺丞卒，特赠秘书丞。易简少聪悟好学，风度奇秀，才思敏赡。太平兴国五年，年逾弱冠，举进士。太宗方留心儒术，贡士皆临轩覆试，易简所试三题，千余言立就。奏上览之，称赏。擢冠甲科。解褐，将作监丞通判昇州，迁左赞善大夫。八年，以右拾遗知制诰。雍熙初，以郊祀恩，进秩祠部员外郎。二年与贾黄中同知贡举。有诏凡亲

属就举者，籍名别试。易简妻弟崔範匿父丧，充贡奏名在上第。又王千里者，水部员外郎孚之子，协为孚门生，千里预荐。上闻，坐範及千里罪。易简缘是罢知制诰，以本官奉朝请。未几复知制诰。三年，充翰林学士。初，易简充贡，宋白掌贡部，至是裁七年。易简幼时随父河内，贾黄中来使，尝教之属辞，及是悉为同列。易简连知贡举，陈尧叟孙何，并甲廷试淳化元年丁外艰。二年同知京朝官考课，迁中书舍人，弃承旨先是曲宴将相。翰林学士皆预坐，梁迥启太祖罢之。又皇帝御丹凤楼，翰林承旨侍从升楼西南隅，礼亦废。至是易简请之，皆复旧制。易简续唐李肇翰林志二卷以献，帝赐诗以嘉之。《东都事略》曰：纸尾批云：诗意美卿居清华之地也，易简愿以所赐诗刻石，昭示无穷。上复为真草行三体书其诗，命待诏吴文赏刻之。因遍赐群臣。帝尝以轻绡飞白大书玉堂之署四字，令易简榜于厅额。《东都事略》曰：太宗曰：此永为翰林中一美事。易简曰：自有翰林，未有如今日之荣也。三年正月辛丑，命翰林学士承旨苏易简等同知贡举。既受诏，径赴贡院以避请求。后遂为常制。易简会韩丕毕士安李至等往观。上闻遣中使赐宴甚盛，至等各赋诗以纪其事。宰相李昉等亦作诗颂美之。太宗又草书宋玉太言赋赐易简。易简因拟赋以献，其词曰：皇帝以白龙戏书大言赋，赐玉堂词臣。易简，御笔煌煌，雄词洋洋，环琦博远，不可备详，诏易简升殿躬指其理，且叹宋玉之奇怪也。因伏而奏曰：恨宋玉不得与陛下同时。帝曰：噫！何代无人耶？卿为朕官之。臣易简拜手稽首曰：圣人兴兮告成功，登昆峦兮展升中，地为席兮飧祖宗，天起籁兮调笙簧，日鸟月光耀文明也。参旗井越，严武卫也。执北斗兮，奠玄酒也。削西华兮，为石碣也。飞云涌雪，腾燔燎也。鹏腊鲸